



Projekat finansira
Evropska unija

**Regionalni program lokalne demokratije na Zapadnom Balkanu
ReLOaD2**



**Smjernice za podnosioce prijava
u sklopu poziva za učešće u projektu
Regionalni program lokalne demokratije na Zapadnom
Balkanu (ReLOaD2)**

Sadržaj

1.	Uvodne informacije	3
1.1.	Šta je ReLOaD?.....	3
1.2.	Cilj poziva za podnošenje prijava.....	3
1.3.	Koje JLS se mogu prijaviti na ovaj javni poziv?	4
1.4.	Koje su prednosti učešća u ReLOaD2 projektu?	4
2.	Kriteriji za odabir partnerskih JLS za Grupu 2	4
	Eliminatorni kriteriji.....	6
	Osnovni kriteriji	6
	Kriteriji za usklađivanje.....	7
3.	Način prijave i postupak evaluacije	8
3.1.	Način prijave	8
3.2.	Postupak evaluacije	8
4.	Obavijest o odluci i odabiru ReLOaD2 partnerskih JLS	9
5.	Adresa za prijavu i upiti	9
6.	Lista prateće dokumentacije	10
a.	Prateća dokumentacija za eliminatorne kriterije	10
b.	Prateća dokumentacija za osnovne kriterije	10

1. Uvodne informacije

1.1. Šta je ReLOaD?

Regionalni program lokalne demokratije na Zapadnom Balkanu 2 (ReLOaD2) provodi Razvojni program Ujedinjenih nacija (UNDP) u šest IPA korisnika i to: Albaniji, Bosni i Hercegovini (BiH), Crnoj Gori, Kosovu*, Sjevernoj Makedoniji i Srbiji. Projekat je sa realizacijom počeo 1. januara 2021. godine i tokom naredne 4 godine ima za cilj jačanje participativne demokratije i EU integracija na Zapadnom Balkanu osnaživanjem civilnog društva i mlađih da aktivno učestvuju u donošenju odluka te unapređenjem poticajnog pravnog i finansijskog okruženja za organizacije civilnog društva (OCD).

ReLOaD2 je nastavak EU-UNDP partnerstva i prethodno podržane inicijative – ReLOaD¹, provedene u periodu od 2017-2020. godine, a koja se temeljila na prethodnim naporima ostvarenim putem druge inicijative podržane od strane EU - Projekt jačanja lokalne demokracije (LOD 2009-2016).³. Ukupna vrijednost ReLOaD2 projekta je 13 miliona eura, a finansira ga Evropska unija (EU) iz Instrumenta za pretpriistupnu pomoć. Vrijednost projektne komponente u BiH je 3,6 miliona eura.

Namjera projekta je da osigura održiv i transparentan, razvojno orijentiran, projektni pristup finansiranju OCD projekata iz budžeta JLS koji doprinosi ostvarivanju lokalnih prioriteta u skladu sa strategijama razvoja. Projekat će se fokusirati na institucionalizaciju odnosa između JLS i OCD, uz jačanje kapaciteta obje strane, kako bi uvidjeli prednosti partnerstva. Posebna pažnja biće posvećena radu sa mlađima, rođnoj jednakosti i promociji intervencija koje uvažavaju princip multietničnosti u svim ciljevima i aktivnostima. Predviđeno je da će ReLOaD2 tokom 48 mjeseci sarađivati sa minimalno 12 JLS u BiH.

Partnerske JLS će se sastojati od dvije grupe JLS:

- Grupa 1: JLS koje su već učestvovale u ReLOaD projektu ili u jednoj od četiri faze projekta Jačanje lokalne demokratije/demokracije - LOD. ReLOaD2 će iz ove grupe JLS odabrati minimalno 7 JLS. Za JLS iz grupe 1 će se uputiti direktni zahtjev za izražavanje interesa i prijavu.
- Grupa 2: JLS koje nisu do sada učestvovale u projektima ReLOaD 1 i LOD. Iz ove grupe JLS će se odabrati minimalno 5 JLS za učešće u ReLOaD2 projektu. Za JLS iz grupe 2 će biti objavljen javni poziv na koji će se moći prijaviti sve JLS iz BiH koje do sada nisu učestvovale u ReLOaD 1 ili LOD projektima.

1.2. Cilj poziva za podnošenje prijava

Cilj javnog poziva je odabir minimalno 5 partnerskih JLS u BiH, prethodno pojašnjeno Grupa 2, kojim će se pružiti podrška da unaprijede pristup finansiranja OCD. Ovaj proces će doprinijeti jačanju participativne demokratije i EU integracija na Zapadnom Balkanu, te osnažiti civilno društvo da aktivnije učestvuje u procesima donošenja odluka na lokalnom nivou.

* Za Europsku uniju, ovo imenovanje ne dovodi u pitanje stav o statusu i u skladu je s UNSCR 1244/1999 i Mišljenjem ICJ-a o proglašenju nezavisnosti Kosova. Za UNDP sve reference na Kosovo shvatit će se u kontekstu UN-ove Rezolucije 1244/1999

² http://www.ba.undp.org/content/bosnia_and_herzegovina/en/home/operations/projects/poverty_reduction/regional-programme-on-local-democracy-in-the-western-balkans-re.html

³ Projekat jačanje lokalne demokratije (LOD) implementiran od strane Razvojnog programa Ujedinjenih naroda (UNDP), LOD projekt radio je na jačanju inkluzivnosti i transparentnosti finansiranja lokalnih vlasti za organizacije civilnog društva. Uveo je konkurentno finansiranje zasnovano na projektima, potičući organizacije civilnog društva na profesionalizaciju i pružanje specifičnih usluga u skladu sa lokalnim razvojnim prioritetima.

1.3. Koje JLS se mogu prijaviti na ovaj javni poziv?

Učešće u ovom pozivu mogu uzeti sve JLS koje do sada nisu učestvovale u projektima ReLOaD 1 i LOD.

1.4. Koje su prednosti učešća u ReLOaD2 projektu?

Učešće u ReLOaD2 projektu će omogućiti JLS:

- Značajnu finansijsku podršku za projekte OCD koji će se provoditi na teritoriji partnerskih JLS i koji će odgovoriti na potrebe građana u lokalnoj zajednici;
- Tehničku podršku za unapređenje procesa dodjele sredstava za OCD i primjenu LOD Metodologije za dodjelu sredstava za organizacije civilnog društva;⁴
- Izgradnju i unapređenje OCD kapaciteta u lokalnoj zajednici;
- Izgradnju i unapređenje kapaciteta JLS predstavnika skladu sa procjenom potreba;
- Regionalno umrežavanje i razmjena iskustava sa drugim JLS iz 5 IPA korisnika u kojim se ReLOaD2 provodi;
- Promociju svojih dobrih praksi i procedura na nivou cijele BiH ali i u regionu Zapadnog Balkana;
- Rad na većem građanskom učešću u donošenju odluka;
- Veći angažman u oblasti podrške mladima;
- Saradnja kroz primjenu različitih aplikacija i tehnologija;
- Podršku projektima OCD koji pružaju kvalitetne i raznovrsne usluge u skladu sa lokalnim strateškim razvojnim planovima.

Na ovaj način partnerske JLS će unaprijediti svoj rad, postati još efikasnije i efektivnije u pružanju usluga građanima te dodatno doprinijeti boljim razvojnim rezultatima.

2. Kriteriji za odabir partnerskih JLS za Grupu 2

Odabir minimalno 5 JLS će se vršiti na osnovu sljedećih kriterija:

- **eliminatori kriteriji** – ispunjenje ovih kriterija se smatra preduslovom za učešće u projektu. JLS koje se prijavljuju trebaju ispuniti sve eliminatore kriterije. Prijave JLS koje ne ispune ove kriterije **neće biti dalje razmatrane**,

⁴ LOD metodologija predstavlja set dokumenata i alata za finansiranje OCD iz budžetskih sredstava JLS. Ovaj pristup se zasniva na upravljanju projektnim ciklusom a dokumenti kao što su projektni prijedlog, logička matrica, prijedlog budžeta, plan aktivnosti i sl., čine integralni dio ove metodologije. LOD metodologija ima za cilj da usmjeri općinsku potrošnju namijenjenu OCD na prioritetne potrebe zajednice. Utemeljena je na najboljim praksama Evropske unije i ima na konkurentnosti zasnovan projektni pristup isplati javnih sredstava za OCD. Metodologija služi kao korisno sredstvo lokalnim vlastima za unapređenje lokalne demokratije kroz transparentnost i inkluzivnost u donošenju odluka. Do sada je ukupno 53 JLS u BiH usvojilo LOD metodologiju. Vlada FBiH je donijela Odluku o usvajanju metodologije za transparentno finansiranje projekata organizacija civilnog društva po standardima Evropske unije 13.marta 2014. godine a Ministarstvo uprave i lokalne samouprave Republike Srpske je donijelo 20. maja 2014. godine preporuku za korištenje LOD metodologije. Kompletan tekst LOD metodologije je dostupan na: http://www.ba.undp.org/content/bosnia_and_herzegovina/bs/home/library/poverty/lod-methodology-for-allocation-of-funds-to-civil-society-organiz.html

- **osnovni kriteriji** – primjenom ovih kriterija će se vršiti bodovanje i rangiranje prijavljenih JLS. Dodjela bodova će se vršiti u skladu sa matricom za bodovanje,
- **kriteriji za usklađivanje** – predstavljaju dodatne aspekte koji se ne boduju, ali se uzimaju u obzir prilikom konačnog odabira partnerskih JLS.

Pregled eliminatornih i osnovnih kriterija:

ELIMINATORNI KRITERIJI
JLS se obavezuje da će usvojiti Metodologiju za dodjelu sredstava organizacijama civilnog društva (LOD metodologiju)
JLS se obavezuje da će sufinansirati projekte organizacija civilnog društva (OCD) u iznosu od najmanje 20% ukupno plasiranih sredstava u toj lokalnoj zajednici u okviru ReLOaD2 projekta
JLS se obavezuje da će objavljivati javne pozive za dodjelu sredstava za OCD na projektnoj osnovi (primjenom LOD metodologije) tokom 2023. i 2024. godine koji su finansirani iz JLS sredstava

OSNOVNI KRITERIJI	Maksimalan broj bodova
1. Način raspodjele sredstava za OCD	50
2. Monitoring finansiranih OCD projekata	15
3. Saradnja JLS sa OCD i mladima	25
4. Veći procenat sufinansiranja projekata OCD koji se budu provodili na teritoriji JLS u okviru ReLOaD2 projekta	10
UKUPNO	100

Eliminatorni kriteriji

- 1. JLS se obavezuje da će usvojiti Metodologiju za dodjelu sredstava organizacijama civilnog društva (LOD metodologiju)⁵**

U svim odabranim JLS iz Grupe 2, općinska vijeća/skupštine opština će biti u obavezi da najkasnije do kraja 2021. godine usvoje Odluku o načinu odabira projekata OCD po LOD metodologiji. Osoblje ReLOaD2 projekta će pružati tehničku podršku i pratiti napredak ka usvajanju metodologije.

- 2. JLS se obavezuje da će sufinansirati projekte OCD u iznosu od najmanje 20% ukupno plasiranih sredstava u okviru ReLOaD projekta**

Tokom trajanja projekta, ReLOaD2 će objaviti ukupno tri javna poziva za OCD u svakoj partnerskoj JLS. Svaka JLS se obavezuje da će sufinasirati odobrene projekt, minimalno u procentu 20% od ukupno plasiranih sredstava u toj JLS. Partnerske JLS će imati mogućnost da sufinansiraju projekte u većem procentu od obaveznog što će se bodovati kroz osnovne kriterije.

- 3. JLS se obavezuje da će objaviti javne pozive za dodjelu sredstava za OCD na projektnoj osnovi (primjenom LOD metodologije) u 2023. i 2024. godini koji su finansirani iz JLS budžetskih sredstava**

JLS će biti u obavezi da objave javne pozive na principima LOD metodologije u 2023. i 2024. godini za OCD projekte. Ovo su javni pozivi koji će biti finansirani isključivo iz JLS budžeta dok će osoblje ReLOaD2 projekta pružiti tehničku podršku u pripremi javnih poziva i nadzirat će njihovu provedbu.

Osnovni kriteriji

Način raspodjele sredstava za OCD

U okviru ovog kriterija posmatrat će se prosječan iznos ukupnog budžeta (izražen u procentima) koji je JLS dodijelila za OCD te prosječan procenat sredstava koji je JLS dodijelila primjenom projektnog pristupa odnosno objavom javnog poziva sa jasno definisanim kriterijima. Referentni vremenski period za ovaj kriterij su 2017., 2018., i 2019. godina.

Maksimalni broj bodova koje JLS može da ostvari po osnovu ovog kriterija iznosi 50.

Monitoring finansiranih OCD projekata

Prilikom vrednovanja ovog kriterija bodovati će se način na koji JLS dodjeljuje sredstava za OCD i kako prati provedbu (monitoring) OCD projekata koji se finansiraju iz budžeta JLS. S tim u vezi, fokus će biti na postojanju komisije za odabir projektnih prijedloga u JLS, eventualnom učešću OCD člana u ovoj komisiji,

⁵ LOD metodologija predstavlja set dokumenata i alata za finansiranje OCD iz budžetskih sredstava JLS. Ovaj pristup se zasniva na upravljanju projektnim ciklusom a dokumenti kao što su projektni prijedlog, logička matrica, prijedlog budžeta, plan aktivnosti i sl., čine integralni dio ove metodologije. LOD metodologija ima za cilj da usmjeri općinsku potrošnju namijenjenu OCD na prioritetne potrebe zajednice. Utemeljena je na najboljim praksama Evropske unije i ima na konkurentnosti zasnovan projektni pristup isplati javnih sredstava za OCD. Do sada je ukupno 53 JLS u BIH usvojilo LOD metodologiju. Vlada FBiH je donijela Odluku o usvajanju metodologije za transparentno finansiranje projekata organizacija civilnog društva po standardima Evropske unije 13.marta 2014. godine a Ministarstvo uprave i lokalne samouprave Republike Srpske je donijelo 20. maja 2014. godine preporuku za korištenje LOD metodologije. Kompletan tekst LOD metodologije je dostupan na: http://www.ba.undp.org/content/bosnia_and_herzegovina/bs/home/library/poverty/lod-methodology-for-allocation-of-funds-to-civil-society-organiz.html

Smjernice za podnosioce prijava u sklopu poziva za učešće u projektu Regionalni program lokalne demokratije na Zapadnom Balkanu (ReLOaD2)

postojanju sistema izvještavanja OCD prema JLS (formalizacija, dinamika i priroda izvještavanja). Pored toga, verificirati će se postojeće procedure koje se primjenjuju za praćenje (monitoring) provedbe projekata OCD i primjena rocedura.

Maksimalni broj bodova koje JLS može da ostvari po osnovu ovog kriterija iznosi 15.

Saradnja JLS sa OCD i mladima

Ovim kriterijem se ocjenjuje razvijenost civilnog društva u lokalnoj zajednici i način saradnje JLS sa OCD i mladima. JLS treba da navede postojeće ili prošle modele saradnje sa OCD i da pokaže prepoznanje i koristi OCD za potrebe građana u zajednici. Ukoliko JLS ima usvojenu lokalnu razvojnu strategiju/plan, u kojoj su lokalni razvojni prioriteti identificirani na participatoran način, potrebno je pojasniti kako su OCD bile uključene u izradu tog dokumenta odnosno definiranje prioriteta za rješavanje potreba zajednice. Pored toga, bodovati će se različiti elementi saradnje JLS sa mladima, između ostalog postojanje politike/strategije za mlade, dodjela grantova za mlade te formiranje komisije za mlade pri općinskom vijeću/skupštini opštine. U okviru ovog kriterija posmatrat će se i primjena principa rodne ravnopravnosti u praksi i procedurama JLS.

Maksimalni broj bodova koje JLS može da ostvari po osnovu ovog kriterija iznosi 25.

Veći procenat sufinansiranja projekata OCD koji se budu provodili na teritoriji JLS u okviru ReLOaD2 projekta

Opredijeljenost JLS da sufinansira projekate OCD u iznosu većem od 20% od ukupnih sredstava dodijeljenih u okviru projekta ReLOaD, će se dodatno vrjednovati.

Maksimalni broj bodova koje JLS može da ostvari po osnovu ovog kriterija iznosi 10.

Kriteriji za usklađivanje

Učešće JLS u drugim projektima

Prilikom odabira partnerskih JLS, uzet će se u obzir prethodna iskustva JLS i učešće u drugim projektima UNDP-a i/ili projektima finansiranim od strane EU ili programa Prekogranične saradnje (npr. ROMACTED). Primjena ovog kriterija poboljšat će efekte i rezultate u zajednicama, te maksimizirati projektom predviđene rezultate.

Geografska rasprostranjenost partnerskih JLS

Kroz ovaj kriterij će se osigurati uticaj projekta na široj teritoriji BiH, geografska i proporcionalna zastupljenost JLS i građana iz oba entiteta.

3. Način prijave i postupak evaluacije

3.1. Način prijave

Sve JLS koje ispunjavaju eliminatorne kriterije javnog poziva, interes za učešće u ReLOaD2 projektu trebaju izraziti dostavljanjem **Prijavnog obrazaca i Pisma namjere (Prilog 1)** te odgovarajuće prateće dokumentacije kako je pojašnjeno u dijelu 6. ovih Smjernica. **Prilikom bodovanja vodiće se računa o usklađenosti odgovora navedenih u Prijavnom obrascu sa dostavljenom pratećom dokumentacijom.** Podnosioci prijave treba da se pridržavaju formata Prijavnog obrasca i u skladu s tim dostave tražene informacije.

Dakle, prijavna dokumentacija JLS se sastoje od:

- Ispunjenoj Prijavnog obrasca sa izvorima verifikacije koji potkrepljuju navode u prijavi, u skladu sa listom navedenom u dijelu 6. ovih Smjernica;
- Pisma namjere, koje uključuje sve neophodne elemente

3.2. Postupak evaluacije

Postupak evaluacije JLS prijava za učešće u javnom pozivu će provesti UNDP BiH u tri faze:

Faza bodovanja JLS prijava

Evaluaciju zaprimljenih prijava će provesti komisija sačinjena od članova ReLOaD2 projekta. U ovoj fazi će biti izvršena evaluacija i bodovanje dostavljenih prijava JLS na osnovu koje će se napraviti preliminarno rangiranje prijava. Za bodovanje će se koristiti matrica za bodovanje (Prilog 2).

Faza verifikacije

Ukoliko se ukaže potreba, odnosno ukoliko se prilikom bodovanja pojave određenje nejasnoće, JLS će biti kontaktirane kako bi se navodi u prijavnim obrascima dodatno verificirali. Verifikacija će se vršiti slanjem zahtjeva za pojašnjenima, te traženjem dodatnih izvora verifikacije ili zakazivanjem pojedinačnih sastanaka sa JLS predstavnicima. Komisija će po prijemu dodatnih informacija uraditi finalno bodovanje prijava te svoje preporuke proslijediti višem menadžmentu UNDP-a a onda Partnerskom odboru na odobrenje.

Faza potvrde konačne rang liste

Tokom treće faze evaluacije, Partnerski odbor će utvrditi konačnu rang listu JLS i donijeti konačnu odluku. Partnerski odbor čine predstavnici Delegacije EU u BiH, Ministarstva pravde BiH, Federalnog ministarstva pravde, Ministarstva uprave i lokalne samouprave Republike Srpske (RS), UNDP-a, jedan predstavnik civilnog društva u BiH u svojstvu glasača te predstavnici Saveza općina i gradova Federacije BiH, Saveza opština i gradova RS i projekta Tehnička podrška organizacijama civilnog društva-TACSO BiH u svojstvu posmatrača.

4. Obavijest o odluci i odabiru ReLOaD2 partnerskih JLS

Konačna lista odabranih partnerskih JLS će biti zvanično objavljena na web stanici UNDP-a, <http://www.ba.undp.org/> kao i na web stranicama entitetskih saveza općina/opština i gradova: www.sogfbih.ba, www.alvrs.com u roku od 4 sedmice po isteku poziva. Pozivaju se sve prijavljene JLS da prate objave na navedenim stranicama ali i na društvenim mrežama pomenutih organizacija. ReLOaD2 projekat će obavijestiti odabrane JLS. Cjelokupni proces odabira i informisanja JLS je prezentiran u grafikonu ispod.

Odabir partnerskih JLS

1



Bodovanje	Verifikacija prijava	Konačni odabir	Informisanje JLS
Evaluaciju bodovanje zaprimljenih prijava će raditi komisija sačinjena od članova ReLOaD 2 projekta. U ovoj fazi će biti izvršena evaluacija dostavljenih prijava na osnovu koje će biti sužen izbor potencijalnih partnerskih JLS koje će biti konačno rangirane	Po potrebi će se vršiti dodatne provjere navoda u prijavnim obrascima i to putem slanja zahtjeva za pojašnjenima i dostavom izvora verifikacije ili zakazivanjem pojedinačnih sastanaka sa JLS predstvincima.	Nakon što komisija izvrši finalno bodovanje i sačini prijedlog partnerskih JLS, konačnu dolu donosi ReLOaD Partnerski odbor.	Lista odabranih JLS će biti objavljena na web stranicama UNDP, SOG FBiH i SOG RS.

5. Adresa za prijavu i upiti

Pozivaju se sve zainteresovane JLS u BiH koje zadovoljavaju eliminatorne kriterije da učestvuju u otvorenom i konkurentskom procesu odabira minimalno 5 partnerskih JLS za učešće u ReLOaD2 projektu. JLS koje se prijavljuju na poziv, dužne su dostaviti tražene dokumentaciju za prijavu kako je naglašeno u ovim Smjernicama.

Svoje prijave JLS trebaju dostaviti u **jednom štampanom primjerku i u elektronskoj formi** (CD ili USB). Pozivaju se sve JLS da u cilju očuvanja okoliša što više prateće dokumentacije dostave u elektronskom obliku. Prijave se trebaju dostaviti putem preporučene pošte ili lično na sljedeću adresu:

UNDP BiH
Regionalni program lokalne demokratije na Zapadnom Balkanu (ReLOaD2)
Zgrada Ujedinjenih nacija
Zmaja od Bosne bb
71000 Sarajevo
Bosna i Hercegovina

Prijave za učešće, u skladu sa ovim Pozivom i pripadajućim Smjernicama trebaju biti dostavljene najkasnije do 30. aprila 2021. godine u 17.00 sati. Prijave koje stižu poštom, trebaju imati poštanski žig koji potvrđuje da je prijava poslana u okviru navedenog roka.

Prijave podnesene na druge načine (npr. faks ili e-maila) **neće biti uzete u razmatranje**.

Dodatne informacije, elektronska verzija Smjernica i prijavnih dokumenta su dostupni na sljedećim web adresama: www.ba.undp.org., www.sogfbih.ba, www.alvrs.com.

Za dodatne informacije i objašnjenja, upit je potrebno poslati na adresu registry.ba@undp.org sa naznakom ReLOaD2 projekat u naslovu. Odgovori će biti dostavljeni u pisanoj formi najkasnije u roku od 3 radna dana nakon prijema upita.

Informativne sesije o javnom pozivu će se održati putem ZOOM platforme 08. aprila, 15.aprila i 22.aprila 2021. godine, a poziv za ove sesije će biti objavljen na službenom Facebook nalogu UNDP-a i gore navedenim stranicama.

6. *Lista prateće dokumentacije*

Molimo sve zainteresovane JLS da prateću dokumentaciju uz Prijavni obrazac adekvatno označe kako bi se tačnije i lakše izvršilo bodovanje. Ukoliko neki priloženi dokument predstavlja izvor verifikacije (potvrdu) za više pitanja, nije potrebno da se prilaže više puta ali je neophodno na samom dokumentu navesti reference za sva pitanja na koja se isti odnosi. Samo oni odgovori koju budu imali odgovarajuću prateću dokumentaciju odnosno izvore verifikacije će biti adekvatno bodovani.

a. *Prateća dokumentacija za eliminatorne kriterije*

- Pismo namjere o:
usvajanju Metodologije za dodjelu sredstava organizacijama civilnog društva (LOD metodologije) i njenoj primjeni u 2023. i 2024. godini i sufinansiranju projekata OCD u iznosu od najmanje 20% ukupno plasiranih sredstava u toj lokalnoj zajednici u okviru ReLOaD2 projekta (Prilog 1).

b. *Prateća dokumentacija za osnovne kriterije*

- kopija JLS budžeta za 2017., 2018. i 2019. godinu sa tačno označenim izdvajanjima za OCD po svim stawkama;
- kopija tekstova javnih poziva za finansiranje projekata OCD za 2017., 2018. i 2019. godinu;

- kopije odluka o finansiranju OCD projekata donesenih u okviru javnih poziva. Ukoliko je bilo više javnih poziva koje je u jednoj godini JLS objavila po projektnom pristupu, potrebno je priložiti svaku od odluka za svaku navedenu godinu (2017., 2018., 2019. i 2020.). Neophodno je da su u odlukama navedeni iznosi koji su dodijeljeni odabranim OCD;
- kopija dokumenata (odлуka ili rješenje) o uspostavljanju komisije za evaluaciju projekata. Ukoliko u odluci/rješenju nije naznačeno na kojoj poziciji i u kojoj službi su članovi komisije zaposleni, neophodno je pojasniti to u prijavnom obrascu;
- kopija odluke o imenovanju i načinu izbora predstavnika civilnog društva u komisiju za evaluaciju projekata ili neki drugi dokument kojim se može verifikovati način izbora OCD člana (zapisnik sa održane rasprave, i slično);
- kopija zapisnika komisije za evaluaciju projekata u kojem je jasno naznačen broj prijavljenih OCD projekata i broj odobrenih projekata za finansiranje;
- obrazac koji koriste OCD za finansijsko izvještavanje (prazan);
- obrazac koji koriste OCD za programsко izvještavanje (prazan);
- kopiju finansijskog izvještaja koji je dostavila OCD – periodični i finalni;
- kopiju programskega izvještaja koji je dostavila OCD - periodični i finalni;
Kako bi se utvrdila jasna dinamika izvještavanja neophodno je dostaviti sve zaprimljene izvještaje od jedne organizacije i to: programski (periodični i finalni) i finansijski (periodični i finalni);
- kopiju dokumenta o uspostavljanju tima za monitoring na nivou JLS;
- obrazac monitoring izvještaja koji JLS koristi prilikom monitoring posjeta (prazan);
- kopiju popunjenoj monitoring izvještaja za dvije različite organizacije;
- dokument kojim se mogu verificirati posjete manifestacijama i drugim događajima koje OCD organizuju (npr. zabilješka ili zapisnik sa prisustva događaju, OCD izvještaj u kojem je navedeno prisustvo JLS predstavnika na događaju, objave na službenim stranicama JLS i OCD ili drugim medijima);
- kopija Strategije razvoja u **elektronskom obliku**;
- dokument koji pokazuje da su i OCD bile uključene u razvoj strategije (Odluka/rješenje o imenovanju članova tima za razvoj strategije u kojoj su i OCD predstavnici, izvod iz metodologije razvoja strategije i slično);
- kopija Strategije za mlade/Omladinske politike u **elektronskom obliku**;
- tekst javnog poziva u kojem su naznačene oblasti za finansiranje projekata omladinskih organizacija;
- kopija Odluke/Rješenja o imenovanju komisije za mlade;
- Zapisnici /zabilješke sa 3 zadnja sastanka komisije;
- kopija Odluke/Rješenje o imenovanju komisije za ravnopravnost spolova;
- zapisnici /zabilješke sa 3 zadnja sastanka komisije;
- memorandum o razumijevanju/saradnji, ugovor i drugi slični dokumenti koji mogu poslužiti za dokaz o uspostavljenoj saradnji JLS i OCD za pružanje različitih usluga za ranjive i druge kategorije društva.

Dodatni izvori verifikacije:

- evidencija OCD u JLS;⁶
 - evidencija omladinskih organizacija;
- Ukoliko su omladinske organizacije uključene u evidenciju svih OCD koja će se dostavljati u okviru prethodne stavke, ta evidencija će se smatrati kao izvor verifikacije i za omladinske organizacije;

NAPOMENE:

Osim dokumentacije koja je navedena u Sekciji 6, budite slobodni priložiti i ostale dokumente za koje smatrate da mogući ići u prilog vašoj prijavi. Molimo vas da prilikom dostavljanja potrebne prateće dokumentacije označite svaki dokument sa referencom, odnosno upišete pitanje na koji se odnosi. Ukoliko se jedan dokument odnosi na više pitanja, dovoljno je priložiti jedan dokument sa jasno označenim brojevima pitanja.

⁶ Pod pojmom evidencija aktivnih OCD smatra se svaka zvanična evidencija (u Wordu ili Excelu ili drugom obliku) OCD sa kontakt podacima i eventualno osnovnim poljem djelovanja